

H11 LODZ (PL)

Ando novemberi 1941 teljardja e angluji masovno deportacija kata Āom taj Sinti andaj Austrija ande Poljska, kaj angēde len ande jevrejongo geto kata foro Łódź. Ando transporto arakhadile 5.007 manuš, 60% lendar sas šavořē kaj ĩnkē nas dešuduje bēšengē, le maj but manuš avile anda regiono Burgenland/Austrija. 630 žene mule već ka angluno kurko kata o tifuso taj angroposjale ande masovni grobur. Karing o krečuno 1941 deportisarde kodolen, kaj ašilesas, karing o nordo ande mundarimasko logoro Chełmno/Kulmhof.



1910

1951

1941-42

💡 Žanglen tumen

...kē le njamcoskē okupacijakē raj dine le foroskē Łódź ando bēš 1939 o anav Litzmannstadt?

...kē le anava kata l' manuša kaj mundarde len ando „Zigeunerlager Litzmannstadt“ ži adjes naj identificirime? ...kē le maj bute šavořēn, kas deportisarde ande kado logoro deportisarde bi lenga dejako taj bi lengē dadesko?

✍ Tumari bući

Ašunden tumen pa aktualni slučajur, kaj trajin šavořē ande logorja bi peska dejako taj bi peskē dadesko? Kon grižil pala kodola šavořē?

📷 Paj fotografija

Khērengo bloko kata „Zigeunerlager“ ande demĩltuno „Ghetto Litzmannstadt“ ande poljskako industrijako foro Łódź. Holocaust Memorial Museum Washington/Washington D.C., USA.



<https://www.romasintigenocide.eu/kalderasch/h>